

## ATODLEN 2

Rheoliad 22

### Y COFNODION SYDD I'W CADW GAN DDARPARWYR GWASANAETH MAETHU

1. Cofnod ar ffurf cofrestr sy'n dangos mewn perthynas â phob plentyn sydd wedi'i leoli gyda rhieni maeth—

- (a) dyddiad lleoli'r plentyn;
- (b) enw a chyfeiriad y rhiant maeth;
- (c) y dyddiad y daeth lleoliad y plentyn yno i ben;
- (ch) cyfeiriad y plentyn cyn y lleoliad;
- (d) cyfeiriad y plentyn wrth iddo ymadael â'r lleoliad;
- (dd) awdurdod cyfrifol y plentyn (os nad y darparydd gwasanaeth maethu ydyw);
- (e) y ddarpariaeth statudol y mae neu yr oedd gofal maeth yn cael ei ddarparu odani ar gyfer y plentyn.

2. Cofnod o'r holl bersonau sy'n gweithio ar gyfer y darparydd gwasanaeth maethu, a hwnnw'n gofnod y mae'n rhaid iddo gynnwys y materion canlynol mewn perthynas â pherson sy'n dod o fewn rheoliad 20(1)—

- (a) enw llawn;
- (b) rhyw;
- (c) dyddiad geni;
- (ch) cyfeiriad cartref;
- (d) cymwysterau sy'n berthnasol i waith sy'n ymwneud â phlant a phrofiad o'r gwaith hwnnw;
- (dd) a yw'r person yn cael ei gyflogi gan y darparydd gwasanaeth maethu o dan gontract gwasanaeth, contract ar gyfer gwasanaethau, neu fel arall o dan gontract, neu a yw'n cael ei gyflogi gan rywun arall heblaw'r darparydd gwasanaeth maethu;
- (e) a yw'r person yn gweithio'n amser llawn neu'n rhan amser, ac, os yn rhan amser, nifer cyfartalog yr oriau y mae'n eu gweithio bob wythnos.

3. Cofnod o bob damwain sy'n digwydd i blant yn ystod eu lleoliad gyda rhieni maeth.